



## Inatsisartuni ilaasortaq Jens Napātōk, Parti Naleraq

### Ilaasunik angallassinermi kiffartuussinermut isumaqatigiissutit pillugit § 37 naapertorlugu apeqquteqaammut 2018-133-mut akissut

13-07-2018  
Sags nr.: 2018 - 14005  
Dok. nr. 8200120

Asasara Jens Napātōk

Inatsisartut suleriaasianni § 37 naapertorlugu apeqquteqaatinut nassiussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### Apeqqut 1: Kalaallit Nunaanni angallassinermut kiffartuussinissamut isumaqatigiissusiornermi kikkut, qanorlu amerlatigisut 2016-imi neqeroorusiornikuuppat?

Akissut: Piffissap neqeroortitsiviusup 25. april 2016-imi naanerani Namminersorlutik Oqartussat sullissisunit arlalinnit neqeroorutiniq tigusaqarsimapput. Matuma kinguliani neqeroorutiniq tiguneqartunut takussutissiaq, angallannermi suliasannut agguarneqartoq saqqummiunneqarpoq. Takussutissiami takuneqarsinnaasutut angallannermi suliasannut tamanut neqeroorutiniq takkuttoqarpoq.

Angallassivik 1	Qaanaaq	Air Greenland
		Bristow Group
Angallassivik 2	Upernavik	Air Greenland
		Bristow Group
		Atlantic Airways
Angallassivik 3	Uummannaq	Air Greenland
		Bristow Gorup
		Uummannaq Seasafari
		Atlantic Airways
Angallassivik 4/5	Qeqertarsuup Tunua	Air Greenland (nr. 5 ukiuunerani)
		Bristow Group
		Disko Line (nr. 4 aasaanerani)
		BlueWest Helicopters
		Atlantic Airways
Angallassivik 6	Kalaallit Nunaata qeqqa	Disko Line (neqeroorutit pillugit isumaqatiginninniarnert nalaanni neqeroorut takkuppoq)

Angallassivik 7	Kalaallit Nunaata kujataa	Air Greenland
		Bristow Group
		Disko Line
Angallassivik 8	Tasillaq	Air Greenland
		Bristow Group
		BlueWest Helicopters
Angallassivik 10	Kalaallit Nunaata avannaa	Air Greenland
Angallassivik 9/11	Ittoqqortoormiit	Air Greenland
		Bristow Group (nr. 9)
		Bristow Group (nr. 11)
		Air Iceland (najoqqutassiaq A)
		Air Iceland (najoqqutassiaq B)
		Norlandair
		BlueWest Helicopters

**Apeqqut 2: Kalaallit Nunaanni angallassinermut kiffartuussinissamut isumaqatigiissut najoqqutaralugu:**

**Qeqertarsuup tunua, Kalaallit Nunaata qeqqa, aamma Kalaallit Nunaata kujataa immikkut, taavalu tamakkiisoq malillugu, qanoq ukioq 2016-imi aningaasatigut isumaqatigiissut malillugu naleqassangatinneqarnikuuppat, qanorlu isumaqatigiissut 2016-imeersumut sanilliukkaanni immikkut ukiuni 2017, aamma 2018-imi tapiissutit naleqalernikuuppat, qanorlu 2019-imi tapiissutit aningaasartuutigissamaarneqarpat?**

Akissut: Kiffartuussinermut isumaqatigiissutissat isumaqatigiissutigineqarnerini ukiumoortumik missingersuusiat tamarmiusut ukiumoortumik aningasanut inatsisini aalajangersarneqartarput, aammalu kontomi pingaarnemi 72.20.05 Ilaasunik angallassinermut tapiissutit aqutigalugit akilernerqartarlutik. 2016-imi kiffartuussinermut isumaqatigiissutit neqerooruteqartitsivigineqarnerini 2017-imut siumullu sinaakkutissat ukiumut 121,4 mio. koruuniupput. Sinaakkusiussat tamarmiusut iluanni taakkunani angallannermut suliassanut tamanut kiffartuussinermut isumaqatigiissutissat isumaqatigiissutigineqartussaapput.

Aaqqiissutissat tamarmiusut neqeroorutit qulaani taaneqartut akornanni imaluuniiit taakku akuleriissillugit ukiumut aningaasaqarnermut sinaakkusiussat tamarmiusut, 121,4 mio. koruuninik amerlassuseqartut iluanni nassaarineqartussaapput.

Missingersuutini tamarmiusuni angallannermut suliassanut ataasiakkaanut agguagassat siumoortumik aalajangersarneqanngillat. Kisiannili allagarsiinermut atatillugu agguagassatut missiliukkat naatsorsorneqarput, siornatigut kiffartuussinermut isumaqatigiissutaasimasuni sinaakkusiussaasimasut tunngavigineqarlutik.

Angallassivik	Distrikti	Annertussusiliussassatut missiliukkat 1	2017-imut missingersuutit2
---------------	-----------	---	----------------------------

Angallassivik 1	Qaanaaq	12,70%	15,4
Angallassivik 2	Upernavik	12,10%	14,7
Angallassivik 3	Uummannaq	13,10%	15,9
Angallassivik 4/5	Qeqertarsuup Tunua	17,80%	21,6
Angallassivik 6	Kalaallit Nunaata qeqqa	4,80%	5,8
Angallassivik 7	Kalaallit Nunaata kujataa	18,80%	22,8
Angallassivik 8	Tasiilaq	9,60%	11,7
Angallassivik 10	Kalaallit Nunaata avannaa	1,80%	2,2
Angallassivik 9/11	Ittoqqortoormiit	9,30%	11,3
Katillugit (mio. kr.)			121,4

Nassuiaat: 2016-imi kiffartuussinermut isumaqatigiissutit naapertorlugit annertussusiliinissamat tunngavissat.

Nassuiaat: 2017-imut missingersuusiarineqartut tassaapput, 2017-imut missingersuutit, 2016-imi kiffartuussinermut isumaqatigiissutini annertussusiliussat tunngavigalugit procentinik ilaqartinneqartut.

Isumaqatiginninniarnissat sioqqullugit Inatsisartut Aningaasaqarnermut Akileraartarnermullu Ataatsimiititaliaata Naalakkersuisunut erseqqissaatigaa, aaqqiissutissat Aningaasanut Inatsimmi sinaakkusiussat iluani nassaariniarneqassat. Tamatumunnga atatillugu Naalakkersuisut erseqqissaateqarput, tamanna aaqqiissutissatut kissaatigineqartumut naleqqiullugu kiffartuussinerup ajorseriarneranik kinguneqarsinnaasoq.

Qeqertarsuup Tunuani, Kalaallit Nunaata qeqqani aamma Kalaallit Nunaata kujataani kiffartuussinermut isumaqatigiissutit naapertorlugit tapiissutit katillugit 45,9 mio. koruuninik amerlassuseqartussaapput.

2017-imut Aningaasanut Inatsisissamat Siunnersuutip aappasaanneerreqarneranut pingajussaanneerreqarneranullu atatillugu Qeqertarsuup Tunuani, Kalaallit Nunaata qeqqani aamma Kalaallit Nunaata kujataani kiffartuussinermut isumaqatigiissutaareersunik arlalinnik pitsannguiniarluni isumaqatigiissutininut tapiliussanik isumaqatigiissusiornissamat aningaasaleeqqittoqarpoq.

Isumaqatigiissutininut tapiliussat	2017	2018	2019
Meeqqanut pensionistinullu akikillisaatit, AIS2017-ip aappasaanneerreqarnera	1,9	1,9	1,9
Qulimiguulinnut ilassutissaq, Kalaallit Nunaata kujataa	7,5	7,5	7,5
Qulimiguulinnut ilassutissaq, Qeqertarsuup Tunua	1,6	1,6	1,6
Bilitsinut akikillisaatit, Narsarsuaq <-> Qaqortoq	1,2	1,2	1,2
Bilitsinut akikillisaatit 30%, Qeqertarsuup Tunua	2,4	2,4	2,4
Bilitsinik inniminniisarnermut internetikkut iserfissiaq	0,5	0,0	0,0
Inissinneqarnissamat isumassorneqarnissamullu qulakkeerineq	4,5	4,5	4,5
Bilitsinik annaasaqarnissamat qulakkeerineq	4,5	4,5	4,5
Aningaasat atorneqanngitsut, bilitsinik annaasaqarnissamat qulakkeerineq	-1,1		

Isumaqatigiissutitut tapiliusseq, inissinneqarnissamut isumassorneqarnissamullu qulakkeerisarnermik pitsanguineq		0,8	0,8
Katillugit, Qeqertarsuup Tunuani, Kalaallit Nunaata qeqqani aamma Kalaallit Nunaata kujataani kiffartuussinermut isumaqatigiissutitut tapiliussat	22,9	24,3	24,3

2018-imi aamma 2019-imi atugassarpianut bilitsinik annaasaqarnissamut qulakkeerinermi aningaasat atorneqanngitsoorsinnaasut, naatsorsuutini nikerartunik nalunaarsorneqartartut apeqqutaassapput. Matuma siuliani takussutissiarineqartutut ukiumut 4,5 mio. koruunit missingersuutigineqarput.

Tapiliussatut isumaqatigiissusiortarneq ataatsimut isigalugu oqartoqarsinnaavoq, taakku kiffartuussinermut isumaqatigiissutitut naleqqiullutik taamaatinneqarsinnaanertik / atorunnaarsinneqarsinnaanertik allaassutigimmassuk. Taamaattumik matuma siuliani nassiuiaasiami isumaqatigiissutitut tapiliussat taamaatinneqarsinnaannginnissaat / atorunnaarsinneqarsinnaannginnissaat tunngavigineqarpoq.

**Apeqqut 3: Diskoline A/S-ip Kalaallit Nunaanni angallassinermut kiffartuussinissamut isumaqatigiissummi angallavigisai ukua najoqqutaralugit. Qanoq angallassinermut kiffartuussinissamut isumaqatigiissummi immikkut taakkununga tapinut, ilaalu ilanngullugit, ukiuni 2017-imut, 2018-imullu akeqarpat, taavalu 2019-imut qanoq tapiissutit annertutigissangatinneqarpat?**

Qeqertarsuup tunua, angallassinermut kiffartuussinissamut isumaqatigiissummi sumiiffik 4/5.

Kalaallit Nunaata qeqqa, angallassinermut kiffartuussinissamut isumaqatigiissummi sumiiffik 6.

Sydgrønland, angallassinermut kiffartuussinissamut isumaqatigiissummi sumiiffik 7.

Akissut: Apeqqut 2-mut akissut takuuk.

**Apeqqut 4: Bristow Group aamma Aluu Airlines qanoq annertutigisumik neqeroorusiornermi akeqartussaanaeraapat, sumiiffiit ukunani:**

Akissut: Bristow Group 26. april 2016-imi sinaakkusiussatut missingersuutigineqartunut qanittumik neqerooruteqarpoq. Bristow Group-ip neqeroorutini 26. Juni 2016-imi utertippaa. Sapaatit akunnerat qaangiuttoq Bristow Group neqeroorummik iluarsaatamik nutaamik, neqeroorummit siullermit 30 mio. koruunit missaannik akisunerusumik, tassalu ukiunut sisamanut affarmullu 135 mio. koruunit missaannik aningaasartaqartumik nassiussiniarluni neqerooruteqarpoq. Neqeroorut akuerineqassappat ukiumut missingersuutitut sinaakkusiussat 30 mio. koruunit missaannik qaangerneqartartussaapput. Tamatuma saniatigut neqeroorut immikkoortunik allanik akisunerulersitsisussaavoq, tassani Kalaallit Nunaata qeqqani angallannikkut sulinermut aningaasartuutissat aamma qulimiguulinnut mittarfinnik, ikinnerpaamik 23-nik allanngortiterinissamut aningaasartuutissarpasuit ilaatinneqanngimmata. Kiisalu Bristow Groups-ip neqeroorutaani bilitsinut annaasanut, inissinneqarnermut isumassorneqarnissamullu, Bristow Group-ip ukiumut tapiissutit saniatigut millioninik marlunnik kisitsisitalinnik pisariaqartitsiviusussatut missiliugaanut inaarutaasumik isumannaarisoqanngilaq.

Taamani maannatulli neqeroorut iluarsisaq nutaaq neqerooruteqartumit ajugaasumit aningaasaqarnikkut iluanaaruteqarfiunerusinnaanngilaq. Kiisalu neqeroorummik

nutaajusimasinnaasumik iluarsisamillu piffissaq saqqummiussiffiusoq 1. januar 2017-imi ingerlatsinerup aallartinnissaanut naleqqiulluni annertuumik nalornititsivoq.

**a. Qeqertarsuup tunua, angallassinermut kiffartuussinissamut isumaqatigiissummi sumiiffik 4/5.**

Akissut: Bristow Group-imit neqeroorut iluarsaataq nutaaq neqeroorummut ajugaasumut naleqqiulluni aningaasaqarnikkut iluanaaruteqannginnerusussaavoq. Bristow Group-ip neqeroorunni utertissimammagu, nutaamik iluarsaatamillu neqerooruteqarnermi tapiissutissat, angallannermi suliassanut inaarutaasumik agguarneqartussat qanoq annertutigisumik amerlineqassanersut nalorninarpoq. Kisiannili erseqqippoq, neqeroorut nutaaq iluarsaatarlu taamaattoq atorineqassappat, ukiumut 30 mio. koruunit missaannut missingersuusiat kiisalu Kalaallit Nunaata qeqqani angallannermut suliassanut aningaasartuutissat isumaqatigiissutaasut, ukiumut 6 mio. koruunit missaannut missiliorneqartut qaangerneqangaatsiartussaasut. Tamanna pissappat qulimiguulinnut mittarfiit, ikinnerpaamik 23-t annertuumik allangortiterneqartussaapput, tamannalu nunap karsiata sanaartornermut aningaasartuuteqangaatsiarneranik kinguneqartussaasoq naatsorsuutigineqarpoq. Kiisalu sullissineq eqqarsaatigineqartoq 1. januar 2017-imi aallartittussanngorlugu pilersinneqarsinnaanersoq nalornissutaangaatsiarpoq.

**b. Kalaallit Nunaata qeqqa, angallassinermut kiffartuussinissamut isumaqatigiissummi sumiiffik 6.**

Akissut: Apeqqut 4A-mut akissut takuuk.

**c. Kalaallit Nunaata kujataa, angallassinermut kiffartuussinissamut isumaqatigiissummi sumiiffik 7.**

Akissut: Apeqqut 4A-mut akissut takuuk.

**d. Angallassinermut kiffartuussinissamut isumaqatigiissummi katillugit?**

Akissut: Apeqqut 4A-mut akissut takuuk.

**Apeqqut 5: Diskoline A/S-ip isumaqatigiissutaat sioqqullugu taaneqartoq najoqqutaralugu, taanna isumaqatigiissut unitsiinnaraanni, allanik angallassisussanik taarsernagu, qanoq aningaasartuutit annertutigissappat?**

Akissut: Kiffartuussinermut isumaqatigiissummi imm. 2 naapertorlugu Disko Line-mut isumaqatigiissut 1. januar 2017-imiit 31. december 2020-mut ukiuni sisamani atorunnaarsinneqarsinnaanngilaq. Kiffartuussinermut isumaqatigiissut Namminersorlutik Oqartussanit atorunnaarsinneqassappat, Namminersorlutik Oqartussat isumaqatigiissummi annertuumik sumiginnaasussaapput. Tamatuma kingunerisaanik kiffartuussinermut isumaqatigiissummi imm. 9 aamma 11 naapertorlugit Disko Line tunngavissaqanngitsumik atorunnaarsitsinerup nassatarisaanik toqqaannartumik annaasat uppersarnarneqarsinnaasut taarsiiffigitinnissaannut pisinnaatitaaffeqarpoq.

Kiisalu taamatut taarsiissuteqarnerup aningaasartassai qanoq amerlatigissanersut inaarutaasumik aalajangerneqarsinnaanngillat, naak taakku millioninik marlunnik kisitsisitalinnik amerlassuseqarnissaat naatsorsuutigineqarsinnaagaluartoq.

Tassalu atorunnaarsitsinerup aningaasaqarnermut annertuumik kinguneqarnissaa ilimagineqarsinnaavoq.

Tamatuma saniatigut sullissisussamik allamik qulakkeereqqaarani kiffartuussinermut isumaqatigiissutit atorunnaarsinneqarnissaat innuttaasunut taakkulu angalanissamut periarfissaannut naapertuutinnigilluinnartussaavoq.

**Apeqput 6: Kalaallit Nunaanni angallassinermut kiffartuussinissamut isumaqatigiissut 2016 najoqqutaralugu, Bristow Group aamma Aluu Airlines neqeroorusiornerat malillugu assartuussisussatut isumaqatigiissusiorfigigaanni, tassanga Diskoline A/S isumaqatigiissutaasa apeqput 5 najoqqutaralugu peernerani akissutaasut, qanoq aningaasartuutit katillugit annertutigissappat?**

Akissut: Apeqput ima paasineqarpoq, Disko Line-mut isumaqatigiissut atorunnaarsillugu Bristow Groups-ip neqeroorutaata 2016-imeersup atorunnaarsitsinerup kingorna angallannikkut kiffartuussivimmut tunngavigineqarnerani aningaasaqarnikkut kingunerisassanik naliliisoqarnissaa kissaatigineqartoq.

Bristow Group-imiit neqeroorummik nutaamik, angallannermi suliassanut ataasiakkaanut aningaasanik agguaanertalimmik pissarsisoqarsimanngimmat aningaasaqarnikkut kingunerisassat inaarutaasumik naatsorsorneqarsinnaanngillat.

Taamatuttaaq apeqput 5-imut akissuteqaat naapertorlugu Namminersorlutik Oqartussat tungaanniit kiffartuussinermut isumaqatigiissummik annertuumik sumiginnaasoqarnerani Disko Line-miit taarsiissutissatut piumasaaqateqartoqarsinnaammat, aningaasat ersarissumik naatsorsorneqarsinnaanngillat.

Tamatuma saniatigut qulimiguulinnut mittarfiit, ikinnerpaamik 23-t Bristow Groups sullissilissappat pisariaqartinneqartumik nutarterneqarnerini aningaasaqarnikkut piffissarlu eqqarsaatigalugu kingunerisassat annertuumik nalornissutigineqarput.

Kalaallit Nunaata qeqqani angallannikkut sullissinermut Bristow Groups neqerooruteqanngimmat, sullissisumut allamut isumaqatigiissusiorortoqartussaassaaq. Tassunga neqeroorummik takkuttoqarsimanngimmat, tamatumunnga aningaasaqarnikkut kingunerisassat inaarutaasumik naatsorsorneqarsinnaanngillat.

Kiisalu bilitsinut annaasanut, inissinneqarnermut isumassorneqarnissamullu aaqqissuussineq distriktinut, Bristow Groups-ip angallannikkut suliassanut isumagisaqarfigisaanut tamanut annertusineqartussaassaaq. Tassunga neqeroorummik takkuttoqarsimanngimmat, tamatumunnga aningaasaqarnikkut kingunerisassat inaarutaasumik naatsorsorneqarsinnaanngillat.

**Apeqput 7: Piffissarititaasoq sioqqullugu kingornalu angallassinermut kiffartuussinissamut isumaqatigiissusiornerit allanngortinneqarnissaannut Naalackersuisut pilersaaruteqarpat?**

Akissut: Aap, aningaasanut inatsimmi isumaqatigiissutini arlalinnik iluarsaassinissamut aningaasaliissutinik immikkoortitsisoqarpoq. Naalakkersuisut sullissisut oqaloqatigalugit suliamik, iluarsisassanut taakkununga aalajangiinissamut tunngavissiorfiusumik aallartitsipput.

Taakku saniatigut piffissap sivikitsup iluani Naalakkersuisut suliamik, kiffartuussinermut isumaqatigiissutit maanna atuuttut naappata qanoq iliortoqarnissaanut aalajangiinissamut tunngavissiorfiusumik aallartitsinissartik naatsorsuutigaat.

Neriuppunga qulaani allaqqasuni apeqquteqaatitit akineqartut.

Inussiarnersumik, inuulluaqqusillunga

A handwritten signature in black ink, appearing to read 'Simon', written over a horizontal line.

Simon Simonsen